

欽定大清會典圖

欽定大清會典圖卷二百十四


輿地七十六


肅州圖

安西州圖

固原州圖

肅州府圖






肅州在省治西北一千四百六十里至


京師五千四百六十四里。領縣一。東南高臺。黑河自甘州府撫彝廳城西北流入界。經高臺縣北。右出支渠。仍入其廳界。左出支渠五。至縣西北永豐堡。擺浪河出縣東南祁連山西北流。經順德堡南鎮羌從仁二堡東。播為諸小渠。又西北來注之。又西北經鎮江堡及深溝驛東。復播為諸小渠。又北至鎮夷營出邊牆。石出為雙樹子屯渠。又北至毛目左出為毛目渠。又北會白河。河二源並出州西南祁連山。一曰滔瀨河。西北

流經文殊山西折東北支渠左出播為四。又東支渠右出三。又東曰北大河。經州北左出為蒲草溝。又東經古城南與洪水河會。河亦出祁連山。東北流左出為東洞壩渠。右出為西洞壩渠。又東北至臨水驛為臨水河。與滔瀨河會。會而北。清水河出州西北合諸溝水東流注之。又北右出為金塔渠。又北復右出支渠。又北支渠左出播為四。又東北為白河。與黑河會。黑河又北經天倉東。北流入蒙古界。豐樂川出州東南祁連山天澇池。北流為十數渠。馬營河出州東南

山。北流歧為二。並至高臺縣西。潴為湖。其東為明海。石灰關河出縣西南山。合九關河西北流。亦潴焉。合黎山在高臺縣北。祁連山在州南。州東至北界蒙古額濟納舊土爾扈特旗。南界青海。西及西北界安西州。東南界甘州府。

安西州圖一







安西州圖二

右中


一






安西州圖三


中南
一






安西州圖四

右南
一一






安西州在省治西北二千一百二十里至


京師六千一百二十四里。領縣二。東南玉門西南
敦煌。疏勒河一曰布隆吉河出玉門縣南山兩
源合西北流。左合二龍山水。右納一小水。又北
昌馬河出州治東南山。合二小水。東北流來會。
又北至大壩。右出為鞏昌河。又北復右出一支。
津北播為二小渠。又北至州東。鞏昌河自大壩
東北流。經縣南。右出一小渠。又北折西流來會。
又折西。經州東橋灣營南。左納七小水。又西北
經布隆吉城北。又西北。經州治東北。支渠左出。

歧為二其經城南而西者曰北工渠復播為八
小渠其經城東而南者曰南工渠正渠經治北
又西流至敦煌縣北雙河岔會黨河河出縣南
長山子西北流花海子水出縣西南東北流注
之又北經陽關東又東北經鳴沙山及三危山
西至縣治西南左出支渠三為通裕渠普利渠
慶裕渠右出支渠二為上永豐渠下永豐渠又
經治西而北右出支渠五為大有渠塞溝渠伏
羌新渠伏羌舊渠莊浪渠又西北會於疏勒河
疏勒河又西北潴為哈拉泊色爾騰海俗曰西

海子在敦煌縣西南。阿拉克池在玉門縣東。俗曰草湖。上源曰鴉兒河。出縣東南。左合一小水。北流經赤金峽驛東。折東北。潴焉。白楊河出玉門縣東南。山北流經惠回堡。入於沙。懸泉鹽池。月牙泉並在敦煌縣東南。折腰湖在縣東北。卜羅湖。龍勒泉並在縣西北。玉門關在敦煌縣西南。三危山在敦煌縣東南。州東界肅州。南及西南界青海。西界新疆喀喇沙爾廳。北界新疆哈密廳。東北界外蒙古札薩克圖漢部額濟納舊土爾扈特旗部。

固原州圖





固原州在省治東六百四十九里至

京師三千三百五十五里領縣二東北平遠西北
海城清水河古高平水出州治南開城嶺二源
合北流經治東又西北左納北海子水又北一
水出州西南山北流合二水注之又北左納二
小水右納白家塢水又北經黑城鎮東大黑河
小黑河須臾都河硝河海子河合東流注之又
北一水出海城縣紅井堡東流合一水來注之
又西北一水出沙蔥台合一水西北流注之又
北經平遠縣西南海城縣東右納黑家溝水又

西北經蔡家灘西平遠縣東南數小水合西南
流注之。又西北條子溝水出海城縣西山東北
流合白家河及南來三小水注之。又西北右納
車路溝桐子溝沙溝丁家二溝水。一水出海城
縣西北興仁堡合澗溝川黃羊川水東流注之。
又西北右納苦水溝白石頭溝。又西北入甯夏
府甯靈廳界山水河自甯夏府靈州西流入界。
經平遠縣北。一水出縣西南王家堡。合一小水
北流注之。又西北復入靈州界。哆羅溝水出平
遠縣東南。東流入慶陽府環縣界黑河上源出。

州東北。東南流亦入環縣界。蒲河亦出州東北。張家山東流左合安家川。三岔河與州東北之石版河並入鎮原縣界。茹水河亦出開城鎮。合東海子水東流。左合三水亦入鎮原縣界。洪河出州治東南陶家海子。東流亦入鎮原縣界。涇水北源出州治南牛營。南流經瓦亭驛。合二小水。折東入平涼府隆德縣界。苦水河出海城縣南七里寶山。東南流英王溝劉家石窪張家塬子水韓民堡水並南流注之。折南經硝河城東。左右合數小水。又南亦入隆德縣界。打拉池水

出海城縣西北高峯于合二小水南流至打拉
池堡。一水出縣西高峴莊西流來會。折西入蘭
州府靖遠縣界。鹽池在海城縣西北有數小水
匯焉。州東及東北界慶陽府。南界化平廳。西界
蘭州府。北及西北界甯夏府。東南界涇州。西南
界平涼府。


欽定大清會典圖卷二百十五


輿地七十七

青海全圖

青海全圖一

中







青海全圖二

右中


一






青海全圖三

中南
一






青海全圖四

右南
一一

[illegible]



青海在

京師西南西甯辦事大臣駐甘肅西甯府所屬和碩部二十一旗綽羅斯部二旗輝特部一旗土爾扈特部四旗喀爾喀部一旗凡二十九旗環青海而居焉其西南為玉樹等土司凡三十九族黃河自新疆羅布綽爾伏流至青海西南復出曰阿勒坦河東流為扎淩海鄂淩海又屈曲東北流入西甯府界大通河西甯河並出青海屈東流亦入西甯府界木魯烏蘇河出青海西南上源曰托克托奈烏蘭穆倫河合喀齊烏蘭


穆倫河為木魯烏蘇河。又東流。那木齊圖烏蘭
穆倫河東流。折南注之。又東南為布壘楚河。與
瑪楚河並入四川雅州府界。而楚河上流為格
爾吉河。出木魯烏蘇河南。與鄂穆楚河並西南
流入前藏界。哈拉烏蘇河自前藏緣界東北流。
屈西仍入前藏界。東及東北至甘肅界。西及北
至新疆界。南及西南至西藏界。東南至四川界。


欽定大清會典圖卷二百十六

輿地七十八

青海圖


青海圖一






青海圖二


右中
一






青海圖三

中
右
二







青海圖四

中北

一







青海圖五

中南


一






青海圖六


右南
一一





青海圖七


右南
二一




[illegible]

青海圖八

中南
二







青海圖九

右南


一二





青海圖十

南右
二二



[illegible]

西甯辦事大臣駐西甯城在

京師西南四千六百七十里青海蒙古語曰庫可諾爾其東北岸為和碩特東上旗又東為和碩特南左翼末旗其東岸為和碩特南右翼後旗其北岸為和碩特北右翼旗又北為和碩特前左翼頭旗西右翼前旗其西北為綽羅斯北中旗又西北為和碩特北右末旗北左翼旗其西岸為和碩特北前旗又西為和碩特北左末旗其西南為和碩特左翼後旗又西南為和碩特西後旗西前旗西左翼後旗西右翼後旗西右

翼中旗土爾扈特南後旗西旗其南岸為喀爾喀南右翼旗又南為和碩特南右翼末旗南右翼次旗土爾扈特南中旗黃河南岸為和碩特南右翼中旗南左翼中旗前頭旗青海受十餘水其大者曰布喀河上源曰喀喇錫納河出和碩特北右末旗之北額枯山合英額池沙爾池東南流經和碩特北左末旗東北西爾哈河合羅色河東南流注之又東齊馬爾臺河南流注之又東南瀦於海大通河出青海西北阿穆尼尼庫山為烏蘭穆倫東流經和碩特前左翼頭

旗北西右翼前旗南左右納十餘水曲東流入
甘肅西甯府貴德廳界博羅沖克河一日西
甯河即湟河出青海東北噶爾藏嶺三泉合南
流名崑都崙河合諸水南流折東入西甯府大
通縣界黃河自羅卜泊伏流至青海西南噶達
素齊老山復出是為黃河重源曰阿勒坦河東
流為鄂敦他拉海又東潄為札淩海為鄂淩海
圖爾根河鄂羅庫河並北流匯焉又東折南右
納渾蘭河沙克河哈拉河左納哈爾吉河及諸
小水又東南左右納十餘小水經積石山南三

崑都倫河並自四川雅州府松潘廳來北流注之。折西北流經和碩特前頭旗南。至土爾扈特南前旗南。合大小哈柳圖河。及左右十餘小水。至和碩特左翼中旗西南。受圖生圖河。河出滂馬山。四水合北流。德爾多河出哈爾吉嶺。合七水來會。又東北合數水。為齊普河。注黃河。黃河折東北。結博河。合薩爾哈布齊海河。東流注之。又東北經土爾扈特南中旗南。至和碩特南右翼末旗西南。袞額爾奇河出。即里山合魁滕西里克諸水。東南流注之。烏蘭河西北流注之。又

東北入貴德廳界。雅礮江上源曰瑪楚河。出固
察土司南。合諸水東南流。及古維泊水入松潘
廳界。瑪穆齊爾哈那河及齊齊爾哈那河並
南流出境注之。金沙江即古麗水上源曰木魯
烏蘇。出西藏衛地巴薩通拉木山東南流折而
北。喀齊烏蘭穆倫水出斜勒爾烏蘭達布遜山
東南流來會。又東北拜都河北流來會。又納一
小水東流。阿克達木河出忒們他拉二池東北
流。合伊克阿克達木河。巴哈阿克達木河。曲北
流注之。又北托克托奈烏蘭木倫河東南流注。

之。又北折東受烏蘭河。河出察蘇拉圖山二源。合西流。折北烏蘭河出格爾吉布噶那山合巴圖拉水。枯博渾池水西北流來會。又西北合部汝河。又北流注穆魯烏蘇。穆魯烏蘇又東洞布倫水二源合北流注之。又東南圖胡爾河合烏捏河北流注之。又東南納穆齊圖烏蘭穆倫東南流合一小水折西南注之。又南歧為數支復合庫庫烏蘇。自巴顏喀喇錫勒依山西南流注之。又南分流復合圖哈爾圖河。自古爾班圖爾哈圖山西南流合科素齊老河毛伸和爾和河。

噶布拉河西流注之。右納伊克庫庫色水。又南
右納二小水。折東左納你林喀喇水。又東齊齊
爾哈那庫庫水上承二池及諸水北流注之。又
東南左右納數水及一池水入前藏喀木界。而
楚河即瀾滄江上源出格爾吉土司南為格爾
吉河。左右合數水東南流亦入喀木界。鄂穆楚
河二水合東南流入喀木界。索克河出蘇魯克
土司西東南流合布喀河。又東北左匯為多增
爾池。又南右納一水。又南沙克河出巴薩通拉
木山南流合沙克河。庫蘭河哈喇烏蘇來會。又

南亦入喀木界。鹽池博爾湖哈拉池胡魯魯池。額勒蘇池並在海西。又西為舒哈河庫庫賽河。西北為達布遜池布隆吉爾池烏蘭烏蘇河格德爾古河並瀦焉都勒泊札遜池阿克達池並在海西南。積石山蒙古語曰木素鄂拉即雪山。在阿里克土司東南。西傾山即魯察布拉在和碩特南右翼中旗東南。庫爾坤三山曰阿克坦齊欽山曰巴爾布哈山曰巴顏喀喇山在玉樹土司之東。其東南一峯蒙古語曰噶達素齊老謂北極星石也。東界甘肅西甯府。西界新疆喀

喇沙爾廳北及西北界新疆哈密廳南界前藏
東南界四川雅州府東北界甘肅肅州西南界
後藏